

尚書今古文注疏

呂刑第廿七上 周書六 尙書今古文注疏卷廿七

賜進士及第授通奉大夫山東督糧道加三級孫星衍撰

注 史遷說甫侯言於王作修刑辟又說命曰甫刑鄭康

成曰周穆王以甫侯為相 **疏** 史公呂作甫者禮記引此

詩崧高云生甫及申傳云堯之時姜氏為四伯掌獄之

祀述諸侯之職於周則有甫有申有齊有許也俱以呂

為甫惟墨子引呂刑韋昭注周語云謂周穆王之相甫

侯所作呂刑也則自漢魏已前書文俱作呂刑書疏云

揚之水平王之詩云不與我戍甫明子孫改封為甫侯

穆王時未有甫名稱甫刑者後人以子孫國號名之猶

叔虞初封唐子孫封晉而史記稱晉世家其呂之所在

則齊太公世家集解徐廣曰呂在南陽宛縣西郊云言

於王者見下呂命王疏鄭注見史記集解書

疏云引書說謂書緯刑德放篇有此言也

惟呂命王注史遷作甫侯言于王鄭康成曰呂侯受王

命入為三公疏史公以命王為言于王者鄭注緇衣云

上屬也鄭注見書疏云呂侯入為三公者史記集解又

引鄭注云為相大傳云天子三公司徒公司馬公司空

公鄭注云一公兼二卿舉下以為稱是呂侯于六卿為

司寇于三公為司空公也以諸侯而為王朝之卿故言

入為三公是輔相之臣注享國百年考荒注考一作眊疏

故引書說呂侯為相也享國百年者論衡氣壽篇云周穆王享國百年并未享

國之時皆出百三十四歲矣此文說也周本紀云穆王即位春秋已五十矣又云穆王立五十五年崩是

百年兼數未即位之年古文說也列子周穆王篇云穆

王幾神人哉能窮當身之樂猶百年乃徂俱從生年數

之不知王充說何據耄者曲禮曰九十曰耄注云耄悞

忘也似非也耄是九十之名猶百年曰期頤不必引春

秋傳謂老將知耄又及之荒者詩傳云治也言耄而治

事此古文以為告王之詞考釋文云本亦作藎藎即說文藎之譌字漢書刑法志作朏荒鄭注周禮大司寇職引書曰王旌荒周禮釋文作旌孔氏正義本作藎羣經音辨引書王秬荒云鄭康成讀秬即旌字

刑以詰四方注大傳度作鮮度馬融曰度法度也刑一

作詳刑詰一作誥疏大傳度作鮮度者釋詁云鮮善也

時善也則今文鮮度度時俱言度善也或以度時為相度時宜非也史記以命王為言於王則享國二語是告王之詞呂侯告王言王享國日久老而治事當度善作刑以謹四方也刑作詳刑者周禮大司寇引有詳字疏云謂周穆王年老老亂荒忽猶能用賢量度詳審之刑以詰謹四方案以荒為荒忽亦似非也詰作誥今文尚書也馬注見釋文云度法度者說文云度法制也詰者周禮太宰職云刑典以詰邦國注以詰為禁大司寇云佐王刑邦國詰四方注以詰為謹俱引此經以證又布憲職云憲邦國之刑禁以詰四方注云詰謹也使四方

謹行之則此詰四王曰若古有訓蚩尤惟始作亂延及方鄭義與之同也

于平民罔不寇賊注馬融曰蚩尤少昊之末九黎君名

鄭康成曰蚩尤霸天下黃帝所伐者學蚩尤為此者九

黎之君在少昊之代也疏蚩尤者周書嘗麥解云昔天

尤于宇少昊以臨四方蚩尤乃逐帝爭于涿鹿之阿九

隅無遺赤帝大懼乃說于黃帝執蚩尤殺之于中冀用

名之曰絕轡之野史記五帝本紀云神農氏世衰諸侯

相侵伐蚩尤最為暴莫能伐又云蚩尤作亂不用帝命

黃帝乃徵師諸侯與蚩尤戰于涿鹿之野遂禽殺蚩尤

而諸侯咸尊軒轅為天子代神農氏是為黃帝大戴禮

用兵篇子曰蚩尤庶人之貪者也案孔子三朝記以蚩

尤為庶人者蓋上古或諸侯相侵伐惟蚩尤以庶人作

亂犯上史記正義引龍魚河圖云黃帝攝政有蚩尤兄

弟八十一人並獸身人語銅鐵額食沙造五兵仗刀戟

大弩威振天下誅殺無道萬民欽命云云夫云兄弟入
十一人必非天子諸侯是庶人之作亂者始于蚩尤民
效之以為寇盜故云延及平民延者釋詁云引也平者
詩箋云齊等也則平民謂齊民也然則史記集解引應
劭曰蚩尤古天子傳記或言諸侯或言霸天下皆由庶
人僭位言之孔子說不誤也馬注見釋文云蚩尤九黎
君名者高誘注國策同韋昭注楚語云九黎黎氏九人
書疏引韋注下云蚩尤之徒也是後民之效蚩尤為亂
者鄭注見書疏云霸天下蓋言其竊霸號也云學蚩尤
為此者九黎之君在少昊之代據楚語及少皞之衰也
九黎亂德而言也然則九黎九人亦
黎民之作亂者寇鈔賊害見前疏

鴟義姦究注馬融

曰鴟輕也鄭康成曰盜賊狀如鴟梟鈔掠良善劫奪人

鴟一作消究一作軌

疏

鴟義舊解均失之王氏念孫曰
馬注云鴟輕也鴟者冒沒輕儂

義者傾衺反側也說文云俄行頃也詩箋云俄頃貌廣
雅釋詁云俄衺也古者俄義同聲或訓義為仁義字非

也姦充見堯典疏馬注見釋文云鴟輕者廣雅釋詁云
 蚩輕也鴟與蚩聲相近鄭注見書疏云狀如鴟梟者御
 覽引馬融周禮注云鴟鴞惡聲之鳥也王逸注楚詞云
 鴟梟惡鳥廣雅釋鳥云鴟鴞怪鳥也云鈔掠良善者鄭
 以善訓義也潛夫論述赦篇云古者唯始受命之君承
 大亂之後被前王之惡其民乃並為敵讎罔不寇賊消
 義姦充奪攘是說此經之義或今文鴟義為消義廣雅
 釋詁云消滅也則消義姦軌或為滅義善而干軌法也
 先周禮司刑疏引作軌或鄭本如此既訓鴟義
 為鈔掠良善則鄭于姦軌亦為干犯軌法也 奪攘矯

虔注鄭康成曰有因而盜曰攘矯虔謂撓擾春秋傳虔

劉我邊陲謂劫奪人物以相撓擾也奪一作斂矯一作

橋疏奪攘見前疏矯虔者漢書注孟康曰虔固也橋稱

為矯強取為虔一切經音義十二云橋撓也假詐也案
 擅也出說文方言云秦晉之北鄙燕之北郊翟縣之郊

謂賊爲虔杜注左傳云虔劉皆殺也鄭注見周禮司刑疏云有因而盜曰攘者釋詁云儻因也云矯虔謂撓撓者矯與撓聲相近引春秋傳者成十二年傳文奪說文作斂云強取也引周書此文矯周禮司刑注作橋苗

民弗用靈制以刑惟作五虐之刑曰法殺戮無辜注鄭

康成曰苗民謂九黎之君也九黎之君于少昊氏衰而

棄善道上效蚩尤重刑必變九黎言苗民者有苗九黎

之後顓頊代少昊誅九黎分流其子孫居于西裔者爲

三苗至高辛之衰又復九黎之惡堯興又誅之堯末又

在朝舜臣堯又寂之禹攝位又在洞庭逆命禹又誅之

穆王惡此族三生凶惡故著其氏而謂之民民者冥也

言未見仁道弗一作匪一作否靈一作命一作練虐一

作殺

疏

緇衣引甫刑弗作匪靈作命注云匪非也命謂

民不用政令專制御之以嚴刑乃作五虐蚩尤之刑以是為法案詩箋云靈善也與令通義弗用靈當是弗用善以治姦民即下文云報虐以威也墨子尚同中篇云昔者聖王制為五刑以治天下逮至有苗之制五刑以亂天下則此豈刑不善哉用刑則不善也是以先王之書呂刑道之曰苗民否用練折以刑惟作五殺之刑曰法則此言善用刑者以治民不善用刑者以五殺靈字緇衣作命墨子作練聲俱相近制折匪否不亦聲相近虐殺義相同也鄭義具緇衣注不復釋之鄭注見書疏云苗民謂九黎之君者謂當顓頊之時三苗之先世九黎之君也云九黎之君于少昊氏衰而棄善道者楚語云少昊之衰也九黎亂德是也云有苗九黎之後者楚語云其後三苗復九黎之德注云三苗九黎之後者高辛氏衰苗為亂行其凶德如九黎之為也云顓頊代少

吳誅九黎分流其子孫者楚語云顓頊受之是代少昊也下云邊絕苗民無世在下是分流其子孫也云高辛氏衰又復九黎之君堯興又誅之者楚語注亦云堯興而誅之云堯末又在胡舜承堯又誅之者堯典云竄三苗于三危是也云後禹攝位又在洞庭逆命禹又誅之者檀弓云舜葬蒼梧之野注云舜征三苗而死因留葬焉墨子兼愛篇引禹誓曰姦茲有苗用天之罰若予既率爾羣對諸羣以征有苗此禹誅有苗之證也云民者冥也者孝經援神契文賈誼新書大政篇云民之言與也萌之言盲也云故著其慈緇衣疏引鄭注作後王作故著其氏爰始淫為劓刑椽黥夏侯等書劓刑剗剗為髓宮劓割頭庶黥鄭康成作劓劓曰劓斷耳劓截鼻椽謂椽破陰黥謂羈黥人而苗民大為此四刑者言其特深刻異于臯陶之為疏

疏 劓刑椽黥夏侯等書為贖宮劓割頭庶黥見書堯典疏劓刑者說文

云剗刑鼻也重文作剗刑斷耳也極者詩各髮云昏係
 靡其箋云極極毀陰也黥者說文云墨刑在面也重文
 作黥四者并大極為五刑也極即黥假借字說文云黥
 去陰之刑也引周書則剗黥黥案五刑本有刑無則則
 別剗字之誤也夏侯等書是今文以臙當則宮當極剗
 頭即大極庶庶鯨之庶未詳案庶煮也鄭注周禮敎官庶
 氏云庶讀如藥煮之煮司刑注云墨黥先刻其面以墨
 室之墨須煮故云庶剗也鄭注見詩正月疏以剗刑為
 刑剗者疑說文之別剗云大為此刑者釋詁云淫大
 也云其特刻深異于臙陶之為者唐虞象刑臙陶明之
 如周禮所云加明刑非必刑之也苗
 民深文苛刻實用之是異于古制

差有儗注鄭康成曰越于也茲此也麗施也于此施刑

并制其無罪者疏越與臙同釋詁云于也茲此也麗者

以八辟麗刑漢又鄉士云各麗其漢以議獄訟鄭注皆
 云麗附也儗者說文云訟也言于此附于刑并制作五

虐之法無有差減亦無罪狀讞其可輕可緩刻深之至
鄭注見詩正月疏云麗施者鄭注上喪禮同文亦見廣

雅釋 民與胥漸 **注** 大傳云唐虞象刑而民不敢犯苗民

用刑而民與犯漸 **疏** 胥者釋詁云相也漸猶詐也荀子

論篇云上幽險則下漸詐矣王氏引之云楊氏注漸為

進又為浸皆非也盤庚中云暫遇姦宄暫讀曰漸漸詐

欺也莊子胠篋篇云知詐漸毒此云民與胥漸言小民

方與相為詐漸故下文罔中于信以覆詛盟也大傳說

見唐傳云犯漸者亦 **注** 泯泯焚罔中于信以覆詛盟虐

言與詐以犯上也 威庶戮方告無辜于上帝監民罔有馨香德刑發聞

惟腥 **注** 泯泯一作泯泯戮一作僂方一作劓 **疏** 泯或作

小宗伯注杜子春讀泯為泯周書祭公解云汝無泯泯

芬芬孔晁云泯芬亂也紛與芬通王充論衡寒温篇云

前世用刑者蚩尤亡秦甚矣蚩尤之民洎洎紛紛亡秦之路赤衣比肩作洎洎蓋今文尚書也王氏多用今文覆者詩傳云反也鄭注王制云敗也方與旁通說文云溥也監者釋詁云視也德者說文云升也腥當為胜說文云胜犬膏臭也論衡變動篇云甫刑曰庶僂旁告無辜于天帝此言蚩尤之民被冤旁告無罪于上天也案言蚩尤時民多昏亂以敗詛祝盟誓用其虐威使眾被戮之民溥告無罪于上天天帝視民無有馨香升聞惟刑之發聞

腥蕞爾 皇帝哀矜庶戮之不辜報虐以威注戮一作

僂以一作用邊絕苗民無世在下疏此皇帝鄭以為顯

項也論衡謹告篇云甫刑篇曰報虐用威威虐皆惡也用惡報惡亂莫甚焉蓋言民罔不寇賊民興行漸既已惡矣苗民用威報之也戮作僂以作用蓋今文邊者一切經音義一引蒼頡篇云遮也言顯項哀憐眾民被戮之無罪疾苗民之以暴易暴因遮乃命重黎絕地天通絕竄逐之無令嗣世在下土也

罔有降格羣后之逮在下明明棐常鰥寡無蓋也墨翟

書引羣后之逮在下十四字在有辭有苗之下德威維

威之上逮作肆棐作不無蓋作不蓋疏重黎顓頊時司

昭王問於觀射父曰周書所謂重黎實使天地不通者

何也若無然民將能登天乎對曰非此之謂也少皞之

衰也九黎亂德民神雜糅不可方物夫人作享家為巫

史無有要質民匱于祀而不知其福烝享無度民神同

位民瀆齊盟無有嚴威神狎民則不蠲其為嘉生不降

無物以享禍災薦臻莫盡其氣顓頊受之乃命南正重

司天以屬神命火正黎司地以屬民使復舊常無相侵

瀆是謂絕地天通其後三苗復九黎之德堯復育重黎

之後不忘舊者使復典之以至于夏商故重黎氏世敘

天地而別其分土也釋詁云降下也格陞也逮者釋言

云遏也謂遏訟周禮禁殺戮掌遏訟者以告而誅之注

鄭司農云遏訟者遏止獄訟者也明明者釋訓云察也

業者釋詁云備也蓋者高誘注淮南子云蔽也言顓頊命重司天黎司地使神民不同位上下分絕以禮烝享而通之祭則受福無有升降雜糅于羣后之過訟在下者能明揚明哲之人以輔天常使鰥寡無壅蔽之情也墨子說見尚賢中篇文具後疏逮作肆者說文云肆極陳也業常作不常者言非常明察無蓋作不蓋義同皇帝清問下民鰥寡有辭于苗注馬融曰清問清訊也

鄭康成以皇帝哀矜庶戮之不辜至罔有降格皆說顓頊之事乃命重黎卽是命重黎之身非羲和也皇帝清問下民以下乃說堯事顓頊與堯再誅苗民故上言遏絕苗民云有辭于苗異代別時非一事也皇帝一作帝于一作有疏皇帝今文以為堯則皇者釋詁云君也魏志鍾繇傳繇上疏引此經說之云此言堯

當除蚩尤有苗之刑先審問於下民之有辯者也若今
蔽獄之時訊問三槐九棘羣吏萬民清者鄭注玉藻云
明察於事也荀子楊倞注云明審也鄭說見書疏與鍾
繇說同者今文義也趙岐注孟子引甫刑皇帝作帝云
謂帝為天天不能問民此今文歐陽德威惟畏德明
夏侯異說也于苗墨子作有苗古文也

惟明注惟一作維畏一作威疏表記引甫刑曰德威惟
威德刑惟明非虞帝其

孰能知此乎注云德所威則人皆畏之言服罪也德所
明則人皆尊之言得人也案得人謂下文三后惟作維

畏作威俱乃命三后恤功于民伯夷降典折民惟刑注
見墨子

大傳說伯夷降典禮折民以刑謂有禮然後有刑也馬

融曰折智也禹平水土主名山川稷降播種農殖嘉穀

三后成功惟殷于民注命一作名折一作哲一作制惟

一作維殷一作假疏墨子尚賢中篇云先王之書呂州

曰羣后之肆在下明明不常鰥寡不蓋德威維威德明

維明乃名三后恤功於民伯夷降典哲民維刑禹平水

土主名山川稷降播種農殖嘉穀三后成功維假於民

則此言三聖人者謹其言慎其行精其思慮索天下之

隱事遺利以上事天故天鄉其德下施之萬民萬民被

其利後漢書楊賜傳賜曰三后成功維殷于民臯陶不

與焉蓋吝之也注云吝恥也殷盛也引此云云言臯陶

不預其數者蓋恥之釋詁云后君也恤憂也功者詩傳

云事也折與制聲相近陶潛四入目引折亦作制農者

廣雅釋詁云勉也殖者文選藉田賦注引倉頡篇云種

也嘉穀者謂稷今之小米也漢書本紀云嘉穀元稷言

堯之得人乃命三君憂民之事伯夷先降下典禮使民

明習而止其刑禹平水土主名山川釋水云從釋地以

下至九河皆禹所名也稷下布種勉民種禾大戴五帝

德云使后稷播種務勤嘉穀管子大匡云耕者用力不

農有罪無赦皆以農為勉也三后成功惟民享其盛矣

舉伯夷不舉臯陶者漢書刑法志云書云伯夷降典慈
民惟刑言制禮以止刑猶隄之防溢水也大傳說引孔
子曰古之刑者省之今之刑者繁之其教古者有禮然
後有刑是以刑省也今反是無禮而齊之以刑是以繁
也書曰伯夷降典禮云云與刑法志義同馬注見釋文
云馬鄭皆音慈智也者見釋文刑法志亦作慈注師古
曰慈知也言伯夷下禮法以道民民習知禮然後用刑
也墨子殷作假者正也言三后正民以成功也命作名
者史記張耳傳亡命索隱引晉灼漢書注云命者
名也是名亦命也折制聲相近墨子所用蓋古文士制
百姓于刑之中注士一作爰中一作衷疏士者堯典云
三后成功而後士師制止百姓于刑之中也後漢書梁
統傳統曰經又曰爰制百姓于刑之衷孔子曰刑罰不
衷則人無所措手足衷之為言不輕不重之謂也王氏
鳴盛云此經無臯陶下文命諸侯監伯夷播刑亦專舉
伯夷不及臯陶偽孔以此篇言刑事而臯陶不見遂妄
改爰為士以就其讀也案士但舉刑官亦不必指臯陶

也 以教祇德穆穆在上明明在下灼于四方罔不惟德

之勤故乃明于刑之中率乂于民棊彝疏祇者釋詁云

釋訓云美也灼者廣雅釋訓云灼灼明也率與吹同語

詞也釋詁云乂治也棊備也彝常也言刑得中則民服

教而敬德堯有穆穆之美在上三后明明之察在下灼

見于四方無不思德之勤故乃明于刑之中正聿治于

民以輔彝常也典獄非訖于威惟訖于富敬忌罔有擇言在躬

注罔有上一有而字疏典即敷省說文云主也訖者釋

神不富傳云富福也郊特牲云富也者福也言主獄不

當終于立威惟終于作福即下文一人有慶兆民賴之

也表記云甫刑曰敬忌而罔有擇言在躬多而字注云

忌之言戒也言已外敬而心戒慎則無有可擇之言加

于身也案擇為殫假借字說文云殫敗也孝經云口無

擇言身無擇行法言吾子篇云君子言也無擇聽也無

淫擇則亂淫則僻是擇與淫對下文云那哆
是也則此言敬忌而無有敗言出于身也
惟克天德

自作元命注鄭康成曰大命謂延期長久也醜享在下

疏克者說文云肩也天德謂五常之德元者易文言云
善之長也命者白虎通壽命篇云人之壽也天命已
使生者也醜謂配天享謂享其祿言惟能肩任天德自
作善命則配天命而享天祿于下矣鄭注見書疏以元
為大者易曰大哉乾元九家易曰陽稱大是也云大命
謂延期長久者洪範建其有極斂時五福一曰壽五日
考終
命也

呂刑第廿七上終

呂刑第廿七下 周書六 尙書今古文注疏卷廿七

賜進士及第授通奉大夫山東督糧道加三級孫星衍撰

王曰嗟四方司政典獄非爾惟作天牧今爾何監非時

伯夷播刑之迪

注

迪一作不迪

疏

司政典獄謂諸侯也春秋左氏襄十四年

傳云天生民而立之君以司牧之言惟汝非為天牧民乎今汝何所視法非是伯夷施刑之道乎緇衣引甫刑曰播刑之不迪注云播猶施也其今爾何懲惟時苗民不衍字耳迪道也言施刑之道

匪察于獄之麗罔擇吉人觀于五刑之中惟時庶威奪

貨斷制五刑以亂無辜上帝不蠲降咎于苗

注

鄭康成

曰天以苗民所行腥臊不潔故下禍誅之苗民無辭于

罰乃絕厥世

疏懲者鄭法表記云謂創艾蠲者詩傳云潔也周語云明神不蠲注同咎者鄭注

大傳云極也極即誅也言汝今何所懲戒惟是苗民不審察于獄之施不擇善人察于五刑之適中惟是衆恃威奪貨之人任之使斷制五刑亂罰無罪天帝不潔之下誅有苗苗民無辭以解于天罰乃絕其世嗣也鄭注見書疏云下禍誅之者降下釋王曰嗚呼念之哉伯父詰文極與極通釋言云誅也

伯兄仲叔季弟幼子童孫皆聽朕言庶有格命

成曰格登也登命謂壽考者

疏王呼親戚長幼使聽我言者深戒之穆王壽考

孫行甚多故下文亦呼嗣孫此云幼子童孫也格者方言云云正也正命謂不夭折鄭注見書疏云格登者釋詰格登陞也格登轉相注也

今爾罔不由慰曰勤爾罔或戒不勤

一作日

疏詩傳云由用也慰安也勤者釋詰云勞也或者詩箋云或之言有也言今汝無不用安以

謂勞汝無有戒其不勞者言貪逸以失時故下文曰俾我一日也曰字釋文人實反音日或說慰者說文云恚怒也今汝治獄無不用恚怒為勤無哀敬折獄之心也 天齊于民俾我一日

融俾作矜曰齊中也矜哀也于一作乎俾一作假疏後

書楊賜傳賜上封事曰夫善不妄來災不空發王者心有所惟意有所想雖未形顏色而五星自之推移陰陽為其變度自此而觀天之與人豈不符哉尚書曰天齊乎人假我一日是其明徵也注云我君也天意欲整齊乎人必假于君也今尚書文假作俾俾使者義亦通案楊賜通尚書桓君章句即歐陽尚書則今文于作乎俾作假也馬注見釋文云齊中者釋言文俾作矜訓非終為哀者謂人受天地之中天必矜哀其一日之命惟終在人疏終謂考終命也言天同此視人其使有一日之命非考終與惟考終與實在乎人言敬刑成德則邀天之眷而承年爾尚敬逆天命以奉我也上文云庶有格命此終其說

一人雖畏勿畏雖休勿休惟敬五刑以成三德疏逆者

云迎也奉者說文云承也三德者洪範之正直剛克柔

克也言汝庶幾敬迎天命以承我一人之戒雖可畏勿

畏之雖可休勿休之惟敬慎五刑之中以成此三德之

美漢書宣帝詔曰雖休勿休祇事不怠以不怠訓勿休

也外戚傳引書曰雖休勿休惟敬五刑以成三德或以

祇事不怠為經文非也偽傳以休為美亦非王氏引之

以休為喜云與畏正相反引周語云為晉休感韋注云休喜也

一人有慶兆民賴之其

寧惟永疏一人天子也慶者詩傳云善也兆者鄭注內

曰兆民賴者漢書高帝紀注晉灼曰利也寧者釋詁

云靜也言天子有善兆民享其利寧靜可致久長也

王曰吁注馬融作于曰於也來有邦有土告爾祥刑注鄭

康成作詳曰審察之也邦一作國詳一作訟在今爾安

康成作詳曰審察之也邦一作國詳一作訟在今爾安

百姓何擇非人何敬非刑何度非及

作宜馬融曰度造謀也爾一作而非一作不何擇非人

上一有女字

疏有國者畿外諸侯有土者畿內有采地之臣呼而告之墨子尚賢下篇云於先

王之書呂刑之書然王曰於來有國有土告女訟刑在
今而安百姓女何擇言人何敬不刑何度不及能擇人
而敬為刑堯舜禹湯文武之道可及也于作於者於說
文同烏歎詞爾作而者鄭注聘禮云而猶女也而與爾
通何擇言人言當為吉字何度非及言及前王此墨子
用古文書說也潛夫論本政篇引此經而說之云將致
太平者先調陰陽調陰陽者先順天心順天心者先安
其人安其人者先審擇其人故國家存亡之本治亂之
機在明選而已矣史公作何擇非其人何敬非其刑何
居非其宜乎古宅通度義又為居見上疏及作宜者言
何所處之非其義乎亦與墨子法前王之說相近馬注
見釋文以吁作子說為於者與墨子同云度造謀者釋

詰云度謀也言何謀不可及人鄭注見後漢書劉愷傳以祥為詳云審察之者說文云詳審議也周禮太宰注大司寇注皆引度作詳刑疏俱云詳審後漢書孝明帝紀詔曰詳刑慎罰明察單辭俱同鄭作詳也墨子作訟者或詳之誤段氏玉裁云

兩造具備注造一作遭師聽訟公古通用謂公刑也

五辭

疏兩造者周禮大司寇職云以兩造禁民訟注云造至也使訟者兩至具者詩傳云俱師士師周

禮刑官之屬士師下大夫四人注云士察也主察獄訟之事者聽者鄭注小宗伯云平治也五辭師五聽也周禮小司寇職以五聲聽獄訟求民情一曰辭聽二曰色聽三曰氣聽四曰耳聽五曰目聽注云觀其出言不直則煩觀其顏色不直則赅然觀其氣息不直則喘觀其聽聆不直則惑觀其眸子不直則眊然

孚注

史遷孚作信正于五刑五刑不簡正于五罰五罰

不服正于五過

疏

簡者王制云無簡不聽注云簡誠也孚者釋詁云信也正者鄭注周禮云

治也服者高誘注呂氏春秋云從也不簡謂所犯非方其誠無惡意也罰者罰鍰罰之不從則是聽獄者之過也故下文五過之疵惟官惟反惟內惟貨惟來史遷究其疵

惟官已下十字作惟官惟內馬融來作求曰求有求請

賦也其罪惟鈞注史遷說為閔實其罪惟鈞其過馬融

曰以此五過出入人罪與犯法者等疏疵者釋詁云病也官謂挾威勢

反者孟子云惡聲至必反之謂報恩怨內謂從中制貨謂行賄賂來謂諂請惠氏棟云漢律有受賕之條即此

經惟貨也有聽請即此經惟求也案作惟來亦通史公作官獄內獄者舉其重也官獄謂貴官之獄內獄謂中

貴之獄或畏高明或投鼠忌器也閔實其罪惟鈞其過者罪實則過與犯者等虛則赦之馬注見釋文云請賕

者說文云以財物枉法相謝也案上文有貨此又云求蓋貨為勒索貨賄賕則以財干請也馬注又見史記集

解

解云以此五過出入人罪者謂杜法故出入其審克之

之云罪與犯法者等者鄭注投壺云鈞等也

五刑之疑有赦五罰之疑有赦 **注**鄭康成曰不言五過

之疑有赦者過不赦也禮記曰凡執禁以齊眾者不赦

過 **疏**審者釋詁云察審也轉相訓克與核聲相近漢書

或今文克作核也核又通覈說文云覈實也考事兩筆

邀遮其辭得實曰覈王制云疑獄汜與眾共之眾疑赦

之鄭注見書疏引禮記者王制文執禁齊眾謂有

司所以禁民為非五過之疵枉法亂政不可赦之 **其審**

克之簡孚有眾惟貌有稽 **注**史遷孚作信貌作訊貌一

作緇 **疏**簡孚有眾者即王制所云疑獄汜與眾共也言

訊周禮小司寇以三刺斷庶民獄訟之中一曰訊羣臣

二曰訊羣吏三曰訊萬民蓋欲其誠信有眾必用三訊

之法與官民共治之也稽者鄭注周禮云考合也史公
貌作訊者詩傳云訊問也貌為治與訊義通說文作緇
云旄絲也周書云惟緇有稽說文編字以類相從緇次
細字緇字後則為細微必加考察之義蓋孔壁古文是
經文之貌或

貌省文也 無簡不聽具嚴天威

注史遷聽作疑具作

其

疏無簡不聽與王制文同鄭注云簡誠也有其意而

威也史公聽作疑者言無誠則非疑獄也亦不可輕
出人罪當具嚴敬天威也具作其者釋詁云其具也

辟疑赦其罰百鍰閱實其罪 **注**史遷墨作黥鍰作率大

傳諡非事而事之出入不以道義而誦不詳之辭者其

刑墨夏侯歐陽說墨罰疑赦而罰百率古以六兩為率

古尚書說百鍰鍰者率也一率十一銖二十五分銖之

十三也百鏹為三斤馬融曰鏹鏹也鏹十一銖二十五

分銖之十三也賈逵說俗儒以鏹重六兩周官劔重九

鏹俗儒近是鄭康成曰鏹六兩也疏史公墨作黥者鄭

先刻其面以墨室之鏹作率者鏹當為鏹率假借字也

見下疏閔實者簡閔當其實也其罰古用銅周禮職金

云掌受士之金罰貨罰入于司兵古以銅為兵器今所

傳戈劔皆銅也大傳說見周禮注及華嚴音義五五刑

注引大傳同不更載出典云非事而事之云云者鄭注

云非所事而事之令所不當為也案孝經云非先王之
法言不敢言非先王之法服不敢服然則今之浮屠當
古之墨罪也夏侯歐陽說及古尚書說見周禮職金疏
夏侯歐陽說古以六兩為率者百率則六百兩也率即
鏹同音假借字古尚書說鏹亦為率者說文云鏹鏹也
書曰罰百鏹又云鏹十銖二十五分之十三也案說文
有脫字同古尚書說銖者淮南天文訓云秋分而葉定

粟定而禾熟律之以數十二故十二粟而當一粟十二粟而當一寸日之數十故十寸而為尺十尺而為丈其以爲量十二粟而當一分十二分而當一銖十二銖而當半兩是銖之重也云云百錢爲一斤者銅三斤也馬注見釋文云錢銖也云云者與古尚書說及說文同云俗儒以銖重六兩者馬以說今文者爲俗儒云近是者以六兩當云六兩太半兩也引周書爲証者考工記桃氏爲劍重九銖謂之上制重七銖謂之中制重五銖謂之下制注云上制重三斤十二兩中制重二斤十四兩下制重二斤一兩案三分兩之二五銖爲二斤一兩三分兩之一十六兩爲一斤則鄭意以一銖爲六兩太半兩馬氏據此而以俗儒言一銖六兩爲近是是與鄭合也考工記又有冶氏戈戟重三銖注云許叔重說文解字云銖錢也今東萊稱或以太半兩爲鈞十鈞爲環環重六兩太半兩錢似同矣則三銖爲一斤四兩疏云大半兩爲鈞者凡數言太者皆三分之一爲太三分之一爲少以一兩二十四銖十六銖爲太半兩也云十鈞爲環者環則百六十銖用百四十四銖爲六兩餘十六銖

為大半兩是緩有六兩大半兩也鄭注見釋文云鄭及兩雅同鄭注大傳云死罪出鐵三百七十五斤亦即六兩之說釋文云兩雅謂小兩雅也案緩今文作率或作選或作餽史記周本紀作率集解引徐廣曰率音刷索隱曰舊本率亦作選漢書蕭望之傳曰甫刑之罰小過赦薄罪有金選之品書大傳云一饌六兩今大傳作饌也

大傳說觸易君命革輿服制度姦軌盜攘傷人者其刑

剕疏 惟倍據下文馬注云倍二百為四百錢則此倍百為二百兩也史公作倍灑者灑與差聲相近謂倍

之有差也集解引徐廣曰灑一作莖五倍曰荆辟疑赦莖蓋引趙注孟子之文實非也大傳說同上

其罰倍差閱實其罪注史遷荆作贖大傳說決關梁踰

城郭而略盜者其刑贖馬融曰倍二百為四百錢也差

者又加四百之三分一凡五百二十三三分之一也荆

一作跽

疏

荆者釋詁云別也荆當作跽說文云跽也跽

與漢刑法志及大傳同蓋今文公羊襄二十九年傳疏引鄭駁異義云臯陶改臏為荆呂刑有荆周改荆為別司刑注亦云別斷足也周改臏作別疏云臏本苗民虐刑咎繇改臏作跽至周改荆為別書傳云臏者舉本名案臏者說文云臏當鑿傷其臑之骨荆及別蓋斷足趾漢書刑法志注孟康曰朋左右趾是也使不能行而荆輕于臏戰國時用刑深刻左傳晏子云踊貴履賤是傷足趾也史記孫子傳云以法刑斷其兩足太史公自序云孫子臏腳又復用苗民之刑也則今文稱臏實即古文之刑也王氏鳴盛云荆既起臯陶則肉刑虞已有非也刑起于三王時唐虞有臏名以菲履象之而已大傳云夏后氏不殺不刑亦準令臏罪至殷時始實用之故漢董仲舒對策云殷人執五刑以督姦傷肌膚以懲惡玉篇跽引書曰跽罰疑赦則唐已前本

作跣馬注見史記集解云倍差倍二百為四百鍍又加云云者史記正義云倍中之差二百去三分一合三百三十鍍二兩也案于倍之外又加太半倍也 宮辟疑赦其罰六百鍍閱實其

罪注大傳說男女不以義處者其刑宮六一作五**疏**者

周禮司刑注云丈夫則割其勢女子閉于宮中漢書鼂

錯傳錯對策云除去陰刑注張晏曰宮刑也大傳說見

上云男女不以義處後世謂之為姦也史記大辟疑赦

正義本一作五百鍍集解引徐廣云一作六

其罰千鍍閱實其罪**注**大傳說降畔賊劫略奪攘矯虔

者其刑死又說夏后氏不殺不刑死罪二千饌**疏**大辟

王世子云其死罪則曰某之罪在大辟是即大傳之死

刑也大傳說見上又云夏后不殺不刑死罪二千饌者

下云禹之君民也罰弗及強而天下治一饌六兩鄭注

云所出金鐵死罪出三百七十五斤用財少爾此鄭從

今文墨罰之屬千劓罰之屬千剕罰之屬五百宮罰之

屬三百大辟之罰其屬二百五刑之屬三千注刑一作

型疏周禮司刑職云掌五刑之灋以麗萬民之罪墨罪

五二十五合為一千五百也穆王去周公時已百餘年

又有增損條目孝經孔子曰五刑之屬三千蓋据周律

言之江氏聲云墨則倍于其初宮與大辟皆減焉以是

差之輕于周禮矣此穆王詳刑之意也案罪之條目必

有定數者恐後世妄加之故律所無輒比附以定罪今

例猶云比照某律也律則古今不易例則繁輒刪除之
今令甲猶然刑作型者上下比罪無僭亂辭疏上下者
見隸釋引三體石經上下比罪無僭亂辭疏上下者
之適輕適重也此者王制云凡聽五刑必察小大之比
以成之注云小大猶輕重已行故事曰比周禮大司寇
凡庶民之獄訟以邦成比之注云邦成謂若今時決事
比也疏云邦成是舊法成事品式若今律其斷事皆依

舊事斷之其無條取比類以決之僭者詩傳云差也辭者說文云訟也漢書路温舒傳温舒上書曰囚人不勝痛則飾辭以視之吏治者利其然則指道以明之上奏畏却則鍛鍊而周內之又刑法志云姦吏因緣為市所欲活則傅生議所欲陷則予死比是差亂囚辭及決獄之辭也言上下之罪律有成事及條目所無比附而行之勿增其條于三千之外囚之訟辭及決獄之辭勿有差亂以失其實也勿用不行惟察惟法疏曰王者三百一獨法已獨罰又行之則刑罰不信民無所措手足惟察惟法謂其審克之上刑適輕下惟以明察惟用今時之法也

服下刑適重上服輕重諸罰有權注適俱作挾疏適者

云過也過謂罪過服與良通說文云治也權者公羊桓十一年傳云反于經然後有善者也言當服上刑者其過輕當以下刑治之下刑過重以上刑治之下服減等也上服加等也輕重諸罰有權宜也後漢書劉般傳劉

愷引尚書曰上刑挾輕下刑挾重說之云如今使臧吏
禁錮子孫以輕從重懼及善人非先王詳刑之義也注
云今尚書呂刑篇曰上刑適輕下服下刑適重上服謂
二罪俱發原其本情須有虧減故言適輕適重此言挾
輕挾重意亦不殊與今尚書不同耳書疏云劉君以上
刑適輕下刑適重皆為一人有二罪上刑適重者若今
律重罪應贖輕罪應居作官當者以居作官當為重是
為上刑適輕下刑適重者若二者俱是贓罪罪從重科
輕贓亦備是為輕并數也疏稱劉君即景劉愷王氏鳴
盛云不知是焯是炫蓋側有不照耳劉愷蓋今文說也

刑罰世輕世重

注

世一作時

疏

世輕謂平世世重謂亂世鄭注周禮大司寇職

云掌建邦之三典一曰刑新國用輕典二曰刑平國用
中典三曰刑亂國用重典注云新國者新辟地立君之
國用輕法者謂其民未習于教平國承平守成之國也
用中典者常行之法亂國篡弑叛逆之國用重典者以
其化惡伐滅之又注司刑云夏刑大辟二百贖辟三百
官辟五百劓墨各千周則變焉所謂刑罰世輕世重者

也鄭意以周公制禮時殷民化紂凶德故變夏刑從重
 穆王改就夏刑鄭意必以為輕周本紀云成康之際天
 下安寧刑錯四十餘年不用是平國宜用中典也荀子
 正論篇云故治則刑重亂則刑輕犯治之罪固重犯亂
 之罪固輕書曰刑罰世輕世重此之謂也楊倞注云治
 世刑必行則不敢犯故重亂世刑不行則人易犯故輕
 又云治世家給人足犯法者少有犯則眾惡之罪固當
 重亂世人迫于飢寒犯法者多不可盡用重典當輕也
 案荀子所說就犯法者言之非此經義世作時惟齊非
 者後漢書應劭傳劭議引書曰刑罰時輕時重惟齊非
 齊有倫有要注惟一作維疏者鄭注學記云理也要
 也又注小宰要會云謂計最之簿書月計曰要歲計曰
 會江氏聲云上刑適輕下刑適重非齊也輕重有權隨
 世制宜齊非齊也齊其非齊有倫理有要會荀子王制
 篇云先王制禮義以分之使有貧富貴賤之等是以相
 兼臨者是養天下之本也書曰維齊非齊此之謂也惟
 作維者今文凡惟皆从糸與思惟有別後人亂之以食

富貴賤為非齊者斷 **罰懲非死** 人極于病 **疏** 懲者鄭注

章取義非說此經也 **罰** 北征賦注引說文勑一曰甚

創又極與勑聲相近文選北征賦注引說文勑一曰甚

也言罰者謂五刑之四及罰鍰也 **罰** 所以懲創之非欲

其死而人已苦于病矣言當深慎斷者不可以復續也

王應麟藝文志考云漢世諸儒所引尚書異字曰 **罰懲**

非死 **佞** 極于病或今文尚書今 **非** 佞折獄惟良折獄囚

未檢得所出書故不以為注 **非** 佞折獄惟良折獄囚

非 在中察辭于差非從惟從 **注** 大傳說君子之於人也

有其語也無不聽者皇于獄訟乎必盡其辭矣聽獄者

或從其情或從其辭 **疏** 佞者孔安國注論語云口才也

左傳云差池不齊一言折獄者口才辯給之人能使囚

窮于辭容有辭屈而枉入刑者故非口才可以折獄惟

善人折獄公正不偏無不得中也折獄者又當察囚辭

之有參差不齊者以求其情既得其情非從其辭惟從

其辭不失其情故謂之爰書爰者易也易其文不易其辭大傳云皇于獄訟皇與況通今文皇多作況見無逸疏云或從其情或從其辭卽釋非從惟從也徐幹中論賞罰篇云賞罰不可以疎亦不可以數不可以重亦不可以輕先王思中以平之而不失其節書曰罔非在中察辭於差

哀敬折獄

注大傳說

子曰古之聽民者察貧窮哀孤獨矜寬宥老幼不肖無告有過必赦小罪勿增大罪勿纍老弱不受刑有過不受罰故老而受刑謂之悖弱而受刑謂之尅不赦有過謂之賊逆率過以小謂之枳故與其殺不辜寧失有罪與其增以有罪寧失過以有赦又說子曰聽訟雖得其指必哀矜之死者不可復生斷者不可復續也書曰哀

矜哲獄

疏

敬與矜聲相近今文作矜哲即折假音字漢書于定國傳贊曰于定國父子哀鰥哲獄是

亦今文注應劭曰哲知也哀矜者傷上之失教使囚罹

于罪罰也大傳說哀矜為察貧窮哀孤獨矜寬宥老幼

不肖無告洪範無虐熒獨之指也熒者鄭注云延罪無

辜曰熒剋即劾字說文云劾也劾者甚也大傳又說雖

得其指必哀矜之即論語曾子云上失其明啓刑書胥

道民散久矣雖得其情則哀矜而勿喜

占咸庶中正其刑其罰其審克之

疏

啟與啟通說文云省視也胥者釋詁

云相也占者史記平準書索隱引郭璞云自隱度也即

釋言隱占注今脫自字克當為覈假借字言當明視刑

書相與占度比附之皆庶幾合獄成而孚輸而孚其刑

于中正其刑其罰其詳覈之

上備有井兩刑

疏

輸者廣雅釋言云寫也秦策云常以

而猶汝也備同荀說文云其也獄成而信乃輸寫汝信

于上文王世子云獄成有司讞于公注云讞之言白也

則成獄當奏白于上也其刑上備者具列爰書上之勿
 增減其罪狀也有并兩刑者鄭注大傳云二人俱罪呂
 侯之說刑也犯數罪猶以上一罪刑之言犯二罪以上
 止科一罪也鄭注此條雖伏亦必云然大傳注見御覽
 刑法部一云犯數罪猶以上一罪刑之當作
 犯數罪以上猶以一罪刑之待決于王也 王曰嗚呼

敬之哉官伯族姓朕言多懼朕敬于刑有德惟刑疏官

謂司政典獄也族姓謂伯父伯兄仲叔季弟幼子童孫
 也言我言詳刑多畏懼之辭者我甚敬于刑不敢妄用
 也有德者當 今天相民注馬融曰相助也作配在下明
 思此詳刑

清于單辭民之亂罔不中聽獄之兩辭疏相者釋詁云

辭者後漢書光武本紀永平三年詔曰明察單辭注云單
 單辭猶偏聽也又朱浮傳有人單辭告浮事者注云單
 辭謂無証據也亂者釋詁云治也言今天助民立之君
 使能配在下地則承天以治民聽獄可不中乎能明察

一偏之辭片言折獄其聽十獄之兩無或私家于獄之造之訟更無不中矣馬注見釋文

兩辭獄貨非寶惟府辜功報以庶尤注大傳說獄貨非

可寶也然後寶之者未能行其法者也貪人之寶受人

之財未有不受命以矯其上者也親下以矯其上者未

有能其功者也疏私者說文云自營謂之公家讀如檀弓君子不家于喪之家府者春秋左

氏昭十二年傳云吾不為怨府注云怨禍之聚釋詁云辜罪也功者詩傳云事也庶眾也尤與誅同說文云罪

也引周書此文言無或自營而成家于獄也以獄聚貨不足寶也惟聚罪事天將報以眾罪也大傳云未有不

受命以矯其上者今文讀府為誣聲相近也字亦或作誣周語云其刑矯誣注云以詐用法曰矯加謀無罪曰

誣受人之財則親下以矯誣其上也以辜功為未有能其功者漢書律歷志注孟康曰辜必也一切經音義引

漢書音義云辜固也謂規固販鬻以求
利也則辜功謂取必規固以求功也
永畏惟罰注大

傳說是故聽民之術怒必畏畏思意小罪勿兼疏
大傳說怒

必畏鄭注云怒責也責囚之罪必思意兼謂
思其辭思其主思重大罪求可以出之罪也
非天不中

惟人在命疏
言非天之降罰不中正也惟人受天罰不

極庶民罔有令政在于天下疏
天罰者猶辜陶謨云天

天罰極者詩傳云中也令者釋詁云善也洪範云王建

其有極謂王者承天建中又云庶民于汝極馬氏注云

衆民于汝取中正以歸心也王罰王曰嗚呼嗣孫今往

何監非德于民之中尙明聽之哉疏
言嗣孫者詔諸侯

今以往何所監視非當立德哲人惟刑疏
吳志步騭傳

于民之中乎庶幾免聽之哉

罰哲人維刑書傳所美自今蔽獄都下則宜顧雍武昌
則陸遜潘濬平心專意務在得情言當擇哲人任之以
刑無疆之辭屬于五極咸中有慶疏疆考詩傳云竟也
猶合也辭者說文云訟也五極謂五刑之中慶者詩傳
云善也言惟此哲人于無竟之訟能審詳反復使合于
五刑之中皆中受王嘉師監于茲詳刑疏釋詁云嘉善
則有善慶矣受王之善眾而治之當視此哲人之詳刑也

文侯之命第廿八 周書十九 尙書今古文注疏卷廿八

賜進士及第授通奉大夫山東督糧道加三級孫星衍撰

注史遷說晉文公五年五月丁未獻楚俘于周駟介百

乘徒兵千天子使王子虎命晉侯為伯賜大輅彤弓矢

百旅弓矢千秬鬯一卣珪瓚晉侯三辭然後稽首受之

因作晉文侯命

疏

史公說見晉世家節載此經文孔安國故也案十二諸侯年表晉文公五

年周襄王之二十年也歲在乙丑又周本紀云十七年襄王告急于晉晉文公納王而誅叔帶襄王乃賜晉文公珪鬯弓矢為伯以河內地與晉本紀因晉文公納王而終述二十年錫命之事也新序善謀篇云晉文公時周襄王有弟太叔之難出亡居鄭晉侯以師逆王王入于王城取太叔于溫殺之晉侯朝王王享醴命之侑其

後三年文公再會諸侯以朝天子天子錫之弓矢鉅鬯以爲方伯晉文公之命是也案書序平王錫晉文侯命釋文云馬無平字則書序不以文侯爲仇王或是襄王也劉向所引書多今文則今文說亦以爲文公重耳也馬氏不以義爲文侯名亦同古說据釋文云義本亦作誼故馬氏不以爲文侯仇字也

王若曰父義和注馬融曰王順曰父能以義和我諸侯

鄭康成曰義讀爲儀儀仇皆匹也故名仇字儀義一作

誼疏馬注見史記集解以若爲順者釋言文稱父者說文云父家長率教者也諸侯之長故以父稱之義

和者釋詁云和會也言以義會合諸侯馬氏不同鄭說亦以文侯爲晉交公重耳也鄭注見書疏云義讀爲儀

者周禮肆師治其禮儀以佐宗伯注云故書儀爲義鄭司農云義讀儀是也云儀仇皆訓匹者俱釋詁文釋詁

仇作述云名仇字儀者晉世家穆侯四年取齊女姜氏爲夫人七年伐條生太子仇十年伐十畝有功生少子

爲

名曰成師晉人師服曰異哉君之命子也太子曰仇仇者讎也少子曰成師成師大號成之者也名自命也物自定也今適庶名反逆此後晉其能毋亂乎三十七年穆侯卒弟殤叔自立太子仇出奔殤叔四年太子仇率其徒襲殤叔而立是為文侯文侯十年周幽王無道犬戎殺幽王周東徙鄭以文侯為文侯仇王為平王故以義為仇之字但文侯名仇見春秋左氏桓二年傳及晉世家其字儀則未見所出也春秋左氏僖廿八年傳敘晉文公城濮之捷獻俘錫命之事曰用平禮也杜注云以周平王享晉文侯仇之禮享晉侯則鄭說杜注所本也此蓋衛賈之義馬不從

之義釋文云本亦作謹 **不顯文武克慎明德昭升于上** **注** 史遷克作能升作登昭一作卻敷聞在下 **注** 馬融

曰昭明也上謂天下謂人 **疏** 不與不通語詞詩文王云有周不顯傳云不顯顯也

顯光也克者釋言云能也慎者釋詁云誠也明與孟通釋詁云孟勉也昭升于上者詩文王云文王在上於昭

于天傳云在上在民上也昭見也箋云其德著見于天
 敷者詩傳云布也聞者詩文王云令聞不已箋云聲聞
 言光顯之文武能誠勉其德著見于上布聞于下也史
 公克作能者釋言文升作登者典引云昭登之績匪堯
 不與鋪聞遺策在下之訓匪漢不宏蔡邕注云尚書曰
 昭登於上是今文尚書升為登與史記同敷又作鋪也
 班氏訓上為堯下為漢則今文以文武為上今時為下
 如微子云底遂陳于上敗厥德于下今文書說也馬注
 見史記集解云昭明者說文昭日明也云上為天下為
 人者詩文王文王陟降在帝左右傳云言文王升接
 于天下接人也昭
 三體石經作部 **惟時上帝集厥命于文王** **注** 史遷惟

作維王作武

疏

時者釋詁云是也集者詩傳云就也詩
 文王云周雖舊邦其命維新傳云乃新

在文王也史公惟作維者今文惟皆作維文王作文
 武者詩大明序云文王有明德故天復命武王也 **亦**

惟先正

注

鄭康成曰先正先臣謂公卿大夫也克左右

昭事厥辟

疏

正者釋詁云長也釋言云尹正也左右者釋詁云導也勵也詩傳云助也昭與釗聲

相近釋詁云釗勉也厥者釋言云其也辟者釋詁云君

也言亦惟先世之臣能導助勉事其君也漢書谷永傳

永引經曰亦惟先正克左右說之云未有左右正而百

官枉者也注師古曰周書君牙之辭也案永時未有偽

古文當用此經顏氏誤也鄭注見魏志武帝紀注云先

正先臣者緇衣云昔吾有先正注云先正先君長也君

長兼公卿大夫而言故鄭云然越小大謀猷罔不率從肆先祖懷在位

而

越

一作粵

疏

越三體石經作粵於也猷者鄭注緇衣云道也率者釋詁云循也從者鄭注樂

記云順也釋詁云肆故也懷安止也懷安同意相受詩

箋亦云懷安也言於小大謀道無不循順故先祖安在

位也

嗚呼閔予小子嗣**罔**閔一作愍嗣一作狝造天丕愆

也

殄資澤于下民侵戎我國家純

疏

閔者詩箋云悼傷之言也嗣者釋詁云繼

也

也造同造周本紀兩造集解引徐廣曰造一作遭懲說
 文同誓釋言云過也殄者釋詁云絕也資者詩傳云財
 也澤者趙岐注孟子云祿也侵者廣雅釋言云凌也我
 者說文云兵也侵戎猶戎侵純者釋詁云大也歎言傷
 悼乎小子嗣位遭天大過咎絕財祿于下民寇兵大侵
 犯我國家謂王子帶以翟人入周也閔作愍嗣作弼俱
 見三體石經愍卽愍字从舟从民心閔字古文也見說
 文云閔弼者在門亦悲閔之義也嗣作弼者說文弼古
 文嗣字純爲大不詞古屯純通字 卽我御事罔或者壽
 益言兵侵者爲我國家屯難也

俊在厥服 **注** 或一作克俊下一有咎字服一作躬 **疏** 卽

詩傳云就也或有通字御事主事之官俱見上疏俊者
 釋言云髦俊也服者釋詁云事也言就今我主事之臣
 無有老成俊髦任其事者漢書成帝紀鴻嘉元年詔曰
 書不云乎卽我御事罔克者壽咎在厥躬注文穎曰此
 尙書文侯之命篇中辭也言我周家用事者無能有耆
 壽賢者使國之危亡罪咎在其用事者也師古曰咎在

厥躬平王自謂故帝引之以白責耳是今文或一作克
俊在厥服作咎在厥躬也文穎又云賢者蓋釋俊字則
今文者壽俊下子則罔克曰惟祖惟父其伊恤朕躬疏

云咎在厥躬疏 克者釋詁云勝也惟祖惟父江氏聲以為祖行父行之
諸侯或即謂祖禍在天之靈也伊者釋詁云維也恤者
說文云憂也收也言老成賢俊既少我則嗚呼有續予
不能勝任謂我祖禍有靈當收恤我身也

一人永綏在位注 史遷續作繼疏 續者釋詁云繼也功
也永者詩傳云久也

綏者釋詁云安也歎言子遭叔帶出奔失位有繼令子
一人久安在位者文公之功也史公訓續為繼釋詁文

綏俗字當從 父義和汝克紹乃顯祖注 紹一作昭汝肇
說文為綏

刑文武用會紹乃辟追孝于前文人注 汝一作女紹一

作昭疏 紹者釋詁云繼也顯祖謂文侯仇受平王錫命
釋詁云肇敏也刑法也敏者亟也會謂會合諸

侯文人者詩傳云文德之人也言汝能繼乃光顯之祖
文侯仇汝能亟法文武以合諸侯安王室繼乃君之王
業是能追孝于前文德之人
汝作女紹作昭見三體石經
汝多修扞我于艱

作數若汝子嘉疏多者司馬法云上多前虜鄭注周禮
云戰功曰多修者詩傳云長也捍者

杜預注左傳云衛也說文作數云止也引周書此文一

切經音義九云古文數戢捍扞四形今作扞同艱者

詩傳云亦難也嘉者釋詁云美也言汝戰功甚長衛我

于艱難如汝者予嘉美之扞說文作戢一切經音義引

說文捍止也又引說文扞止也今說

文扞枝也莊子釋文引說文扞抵也王曰父義和其歸

視爾師注爾一作尔視一作眠寧爾邦用賚爾拒鬯一

鹵彤弓一彤矢百盧弓一盧矢百馬四匹注盧一作旅

疏釋詁云師衆也賚賜也說文賚引周書此文爾作尔
拒鬯者說文云鬯黑黍也一樽二米以釀也或作秬

也詩傳云彤弓朱弓也盧者黷省文說文云齊謂黑為
 也詩傳注公羊傳云禮天子雕弓諸侯彤弓大夫嬰弓
 士盧弓釋文云出司馬法荀子大略篇云天子雕弓諸
 侯彤弓大夫黑弓禮也則賜用彤弓諸侯之制兼以大
 夫士盧弓備用也馬四匹者一乘也周禮夏官敘官云
 引舍文嘉九賜一曰車馬二曰衣服三曰樂則四曰朱
 戶五曰納陛六曰虎賁七曰斧鉞八曰弓矢九曰柅轡
 宋均注云進退有節行步有度賜以車馬以伐其勞言
 成文章行成法則賜以衣服以表其德動則有禮賜之
 納陛以安其體長于教誨內懷至仁賜之樂則以化其
 民居處修理房內不泄賜之朱戶以明其別勇猛勁疾
 執議堅強賜之虎賁以備非常抗揚威武志在宿衛賜
 之斧鉞使得專殺內懷仁德執義不頃賜之弓矢使得
 專征慈孝父母賜之柅轡以歸祭祀是其文也王制疏
 云尚書大傳云以兵屬于得專征伐者賜弓矢則尚書
 彤弓一彤矢百盧弓十盧矢千於周禮則當盧弓大弓

合七成規者故司弓矢云唐弓大弓以授使者勞者注云若晉文侯文公受王弓矢之賜者是盧弓一又作盧弓十案九賜有車馬春秋左傳廿八年襄王賜晉文公大路之服戎路之服卽此云馬四匹是也三體石經視作眠盧作旅說文云眠眠貌盧作旅者假音字春秋左氏僖廿八年傳云旅弓矢干注云旅黑弓釋文云旅本或作茲陸氏誤也旅字俗从元周禮司儀職旅假注云旅讀爲鴻臚之臚是旅卽盧之假借字也 父往

哉柔遠能迺惠康小民無荒寧簡恤爾都 **注** 鄭康成曰

都國都也鄙邊邑也言都不言鄙由近以及遠也簡一

作束用成爾顯德 **疏** 能與而而與如古字俱通柔遠能

也惠愛也康靜也寧安也簡大也荒者周書謚法云奸樂怠政曰荒恤者說文云憂也收也言父其往哉安遠如近愛靜小民無荒怠貪寧大收恤汝國都以成汝顯著之德也鄭注見書疏云都國都鄙邊邑者說文云都

有先君之舊家廟曰都詩箋云城都之域曰都鄙者什
注左傳云邊邑也釋名云鄙否也小邑不能遠通也簡
三體石
經作東

文侯之命第廿八終

秦誓第廿九 周書廿 尚書今古文注疏卷廿九

賜進士及第授通奉大夫山東督糧道加三級孫星衍撰

注史遷說三十六年繆公復益厚孟明等使將兵伐晉

渡河焚船大敗晉人取王官及鄆以報殺之役晉人皆

城守不敢出於是繆公乃自茅津渡河封殺中尸為發

喪哭之三日乃誓於軍中曰**疏**史記說見秦本紀封者

案左傳作誓在晉襄公釋歸三帥之時書序則云還歸

之後史公以為在敗晉人報怨之後者白虎通號篇以

之霸是今文說也 公曰嗟我士**注**史遷土作士卒鄭康成曰誓其羣臣下

及萬民獨云士者舉中言之聽無譁予誓告汝羣言之

首疏

秦伯稱公者白虎通號篇云伯子男臣子於其國中褒其君為公何以為諸侯有會聚之事相朝聘

之道或稱公而尊或稱伯子男而卑為交接之時不私其臣子之義心俱欲尊其君父故皆會臣子得稱其君

為公也何以知諸侯稱公尚書曰公曰嗟秦伯也嗟字當為鑿隸省文譚者說文灌譚轉注首者釋詁云始也

鄭注曾子問云本也史公士作士卒者以此時誓于軍中也鄭注見書疏云誓其羣臣下及萬民者周禮小司

寇掌外朝之政以致萬民而詢焉一日詢國古人有言危敗殺即是國危故當為告羣臣及萬民也

曰民訖自若是多盤責人斯無難惟受責俾如流是惟

艱哉

疏

民者詩靈臺疏引孝經援神契云冥也鄭注呂刑亦同訖者釋詁云止也若者釋言云順也盤

者釋詁云樂也俾者釋詁云使也此述古訓言民冥無知止以自順是為多樂耳然責人此無難惟受責于人

如流之順
是惟艱也
我心之憂日月逾邁若弗云來
注云一作員

疏者江氏聲引詩傳云旋也又引詩釋文云云本又作

員言我心之所憂日月益行如弗旋來言悔過如不及也云一作員者書疏云員即云也則今經作云後人所

改因學記聞云周益公曰唐賦多用員來讀秦誓正義知今之云字乃員之省文益公名必大惟古之

謀人則曰未就予忌惟今之謀人姑將以為親
疏古者

云故也廣雅釋詁云始也忌者說文云憎惡也姑者詩傳云且也言惟始之謀人則以未肯就予而憎惡之惟

近之謀人且將以為親附悔不聽故舊之言也說文有甚云毒也周書曰來就甚甚蓋即此文未就予忌未來

形相近忌甚聲相近春秋左氏定四年傳云甚間王室注云甚毒也釋文甚音忌詳其義或謂來就予而反毒

之廣雅釋詁云諛毒也義與忌相近甚甚衍一重字或附予字古之謀人謂楚叔等今之謀人謂杞子也据春

秋左氏僖卅十二年傳諫穆公饗鄭以為勞師饗遠者為蹇叔公羊穀梁則蹇叔與百里奚同諫秦本紀同左傳言蹇叔之子與師哭而送之公穀史記皆云蹇叔百里奚同送其子而哭之左傳載三帥之名為百里孟明視西乞術白乙丙史記以孟明視為百里侯子西乞術白乙丙蹇叔子左傳疏引世族譜云姓百里名視字孟明百里奚之子譜又云或以西乞術白乙丙為蹇叔子則此經古之謀人下文詢茲黃髮番番良士一个臣皆兼指蹇叔百里奚二人言也又左傳杞子自鄭使告于秦曰鄭人使我掌其北門之管若潛師以來國可得也雖則云然尙猷詢茲黃髮則罔所愆注史遷說為古之

人謀黃髮番番則無所過云一作員愆一作誓疏尚者

云庶幾也詢俗字當為恂釋詁云謀也黃髮者詩南山

有臺云遐不黃耇傳云黃黃髮也疏引舍人注釋詁云

黃髮老人髮白復黃也愆同誓釋詁云過也言雖則言

親今之謀人庶幾猶謀諸黃耇則無所過也史公勸作

謀因作無愆作過皆釋詁文漢書韋賢傳李尋傳注師古引秦誓俱作雖則貞然李尋傳注行作從從新序禱事篇引書曰黃髮之習則無所愆北堂書抄諫諍部引作愆

我尙有之 **疏** 番音近 睡說文云 睡老人髮白貌也 江氏

番則無所過以番番屬于黃髮則番番為老人狀貌偽傳以番番為勇武非也 史記正義云番音婆字當作番

皤白頭貌良者詩傳云善也 旅即齊省文說文云呂春骨也 或作齊廣雅釋詁云齊力也 王氏念孫云齊力一

聲之轉尚者詩箋云猶也 下尚不欲同義與上文尚猷詢茲黃髮下文亦尚一人之慶三尚字不同詁也 言番

番然白頭之善士旅 力既過我猶有之 **仡仡勇夫射御不違我尙不欲** **注**

仡馬融作訖曰訖訖無所省錄之貌 **疏** 仡者說文云勇壯也 引周書此

文漢書李尋傳云秦穆公任仡仡之勇公羊宣六年傳云祁彌明力士也 仡然從趙盾而入何氏注云仡然壯

勇貌俱與此經義同言壯勇之夫射御不違失我尚不欲其如是江氏聲云春秋左氏僖三十三年傳云秦師過周北門左右免胄而下超乘者三百乘王孫滿觀之言于王曰秦師輕而無禮必敗輕則寡謀無禮則脫入險而脫又不能謀能無敗乎此誓追悔成鄭之事則勇夫卽謂超乘者違者後漢書注云失也廣雅釋詁云離也馬注見釋文云無所省錄者漢書董仲舒傳集注云錄謂存視也蓋言其恃勇無知不能有所省察存視也惟截截善諷言注馬融諷作偏曰截截辭語截削省要

也偏要也辭約指明大辨佞之人截一作諛諛一作諍

又作諛俾君子易辭我皇多有之注辭一作忘皇一作

况疏截截者說文有諛云善言也又云諷巧言也引周書曰截截善諷言論語曰諷佞今論語諷作便鄭

注云便辨也謂佞而辨是截截善諷言爲便巧辨佞之言也說文又有菱云菱賊也引周書曰菱菱巧言蓋說

文用孔氏古文亦兼取今文故兩引之也公羊文十二年傳作譏譏注云譏譏淺薄之貌越語范蠡曰又安知是譏譏者乎注云譏譏巧辯之言李尋傳亦云穆公說譏譏之言截與菱譏俱聲相近廣雅釋訓云譏譏善言也公羊傳編作輝注云輝猶揆也楚辭劉向九歌云譏人譏譏注云譏譏譏言貌引尚書譏譏靖言偏釋文云又作譏聲與菱譏亦相近靖善亦巧也易辭公羊作易怠皇公羊作況云俾君子易怠而況乎我多有之注云俾使也易怠猶輕惰也易者廣雅釋言云輕也說文辭从台猶文與怠聲相近史記三王世家齊王策云義之不圖俾君子怠與公羊同無逸云無皇曰又云則皇自敬德漢石經皆作兄詩桑柔倉兄墳兮義作況則此言淺薄巧言之人使君子輕忽惰廢我況多有之况益也馬注見釋文云截辭語截削省要偏要也辭約指明者就偏字望文生義然則馬所據古文又作偏也云大辯俊之人亦與諸儒義同此多有之及上尚有之王氏念孫云有之謂親之也春秋左氏昭二十年傳云是昧不有寡君也杜注云有相親有也自悔其親俊人也昧

昧我思之如有一介臣注馬融曰一介耿介一心端慤

者如一作若斷斷猗注斷一作韶猗一作兮無他技注

他一作它其心休休焉注鄭康成曰休休寬容也其如

有容疏昧昧者廣雅釋訓云暗也思者公羊傳云惟一

思也能而通字而即如也江氏聲云秦本紀云以申思

不用蹇叔百里奚之謀故作此誓則昧昧我思者自謂

思此一介臣偽孔以此文屬上讀云我前多有之以我

昧昧思之不明故也詳玩經文實不然大學引此經如

作若者釋言云若如也介釋文云字又作介大學引此

經釋文作介正義本作介介即介字別體也說文云斷

古文作韶引周書云斷斷猗無它技又曰切亦古文廣

雅釋訓云斷斷誠也猗作兮見大學他作它見後漢書

謝弼傳注引此文大學釋文亦作它何氏注公羊云一

介猶一概斷斷猶專也他技奇巧異端也休休美大貌

能含容賢者逆耳之言則此言如有一概臣其心專一
無他技巧其心休美寬大如有所容納也馬注見釋文
云一介耿介者楚辭離騷云彼堯舜之耿介注云耿光
也介大也是耿介為光大也云端慤者端直慤愿俱見
前疏鄭注見大學釋文以休休為寬容貌者人之有技
何氏注公羊云休休美大貌大即寬容之義

若已有之人之彥聖彥彥一作盤其心好之疏彥者釋
士為彥詩疏引舍人注云國有美士為人所言道也
大學注云彥一作盤盤大也聖者洪範云睿作聖

不啻不但也見前無逸疏鄭注大學云若已有不啻口
出皆樂人有善之甚也是大學作寔釋詁云寔是也保
首釋詁云安也言人之有技藝如已有之人之有美譽
通明者其心好之語時不但如自其口出言語不盡好
之以能安我子孫

齊如自其口出是能容之寔寔是一作寔以保我子孫疏

黎民職有利哉寔職一作尚疏

黎者鄭注大學云眾也釋詁文職者釋詁云主也大學引作尚高誘注淮南云尚主也論衡刺孟篇云尚書曰黎民亦尚有利哉此今文尚書讀也偽傳以子孫黎民連讀

人之彥聖而違之俾不達注冒一作媚達一作通疏者

鄭注大學云媚妒也說文云媚夫妒婦也疾與候通說文云姤也或作嫉又云姤妒也鄭注大學云違猶戾也俾使也佛戾賢人所為使功不通于君也俾使殆危皆釋詁文大學達作通通達說文義也違者曹大家注幽通賦云恨也

義亦相近 是不能容以不能保我子孫黎民亦曰殆哉疏殆者鄭注大學云危也釋詁文

邦之榮懷亦尚一人之慶疏机俗字說文作既引見陞下云陞危也班固說不安

也周書曰邦之既陞讀若虹蜺之蜺又云既石山戴土也榮者韋昭注晉語云樂也懷者釋詁云安也慶者詩